


U LUBÃNGO LÕSA

 Une nduko lumu ngãménye ikyākuyoba ulubunju ulu. Une nãlitũgésye kunyuma kula nu Nkundwe Ega, kangi une ndinkupilika...Nkundwe Neville áyobága ikindukimo, nukukêta kubwa kwa une. Kangi une ndinkuyoba kwa Nkundwe Ega, “Ngimba umwêne ikungólêla une?”

Kangi umwene alinkuti, “Umwene ena.”

² Kangi polelo apa une ndi pamwanya apa ukuyoba ikindukimo ulubunju ulu. Une nĩnogónága, akabalilo kãko une nãli...Ikikubililo pala, kũko abêne bo...kikwĩbĩsya i lisyu, itolo kikuboneka ukukwãba ilyêne palapala mōsa, akabalilo kãko ugwe kuyoba. Ikyêne kikuboneka ukuti ikikubililo kikwêga i lisyu palapala itolo.

Une nãpilikága popãpo...ubukêti akabalilo kãko une nãli nkati mula ukwakwĩputĩla unkĩkũlu pa foni. Kangi yula yũyo ãli ni ndumi, ãlibwĩbwe ukubĩka akãya ka buyo kũko ukukólêla, ukufuma ku nkasi gwa Dok. Morrison. Kangi une itolo ngwisakukubũlága ugwe iki une mbõmbĩle, ku syõsa inyĩpũto syĩnu, ni syãngu. Une ndinkubĩka amabõko gãngu pa fõni, nukusõsõla ku mbalilo, palipõsa iyêne yãlipo, nukunsũma Mbepo Mwikémo ukubũka ku nkĩkulu yula. Popãpo une ngwĩnogóna Umwêne ikupilikága ikyo itolo mulamula mũmo Umwêne ábagĩle linga uswe twãbagĩle...Muketile? Kangi une itolo nãkilãmbalĩke ikyêne pãsi. Kangi ikyêne kyãbagĩle ukuya ukuti iyo yo njila u Ntwa ãlõndága ikyêne. Muketile? Ikyêne kyãbagĩle ukuti ikyêne kyãbagĩle ukuya kinunupo bo lula.

³ Kangi polelo une nãpilike ubukêti bo une nãli nkati mula, isya mundu yumo ikuyoba ukuti Kalumbu Rook ãli...Une ngwĩtika Nkundwe Neville áyobĩle ukuti umwêne kalumba áfumile pakuya nu—nu kubongotoka kwa bõngo, ngati. Unko uswe tukolelêla kwa Kyãla kuli ikyo, itolo ukukũmbukĩla ikĩndu kimokyêne iki: Kyãla amênje Abãke Bêne. Umwêne amênje fyõsa ifya bêne.

⁴ Ngimba mukupilika kanunu itolo kunyuma uko? Linga umwe mukabagĩla, filipo ifikota fimo ifisita bãndu kubwa kuno. Umwe mubagĩle ukwandula linga umwe mwĩganĩle. Kangi, unko uswe tukete, ngimba *iki* kyo kyakuyobelapo ikinywãmu? [Nkundwe ikuyoba, “Umma, nkulumba.”—Nsimbi.] Iki pa bwa apa kyo kyakuyobelápo ikinywãmu? Ndaga. Uswe twesakukêta linga uswe tubagĩle ukwêga ikyo itolo kifuki panini fiyo. Bule itolo ukusyũngutila papapa apa, Gene? Ikyo kisakuyaga itolo kinunu. Kangi utubalilo tumo une nguya itolo ngwãla-masyu; une ndũmbilĩlepo kĩngi panini. Ngimba ikyo kinunupo? Ngimba umwe mubagĩle ukupilika kanunupo?

⁵ Kangi uswe nalolilōli tukukumbukila ifi mu lwīpúto. Kangi uswe tukulōnda ukutwāla inongwa ya lukomano lwalwīmiko ukufuma kula mu . . .

Ngimba une ngukēta Kalumbu Rook? Une nīnogonága une ngukēta ku nkikulu kunyuma apa uyu ābonekága ngati mwēne. Une nīnogonága, “Nalōlilōli une ndikuyoba pabili apa.” Une ngukēta ku mundu yumo ābonekága ngati mwēne, kubwa ku nyuma. Umwēne ali mu Kipatala kya Saint Edward.

⁶ Kangi popāpo, ku Cleveland, Tennessee, kangi kōpe mu California, uswe twāli ni ngomano isyalwīmiko. U Ntwa ātusayile uswe nubukulumba, kangi ifindu fīngi ifi Umwēne ābōmbīle. Kangi uswe tuli bahobofu panongwa ya ikyo. Tuhobwīke uswe tubagile ukugomoka ku bwīnáke bwītu bwēne, ukuyoba isya bununu ni kisa kya Kyāla. Iyo yo njila iyi abēne bombīle mu i Bāngéli.

⁷ Une nampālisýaga u Nkundwe Neville, pamo ulwīpúto lwa Nkundwe Beeler, mūmo umwēne ālīputīle abāndu, kangi—kangi ukusūmila ubutūli ni kisa. Kangi linga uswe itolo tukukētelága mula, ugwe bwīla, kilikyōsa iki kikuboneka, ugwe kwisakwāga kilipo ikindukimo ikyānalolilōli kyābwanalōli ukufwāna nu lwēne. Kangi polelo akabalilo kāko u Nkundwe Nevillw nukubatwala abadiyakoni aba, na fyosa bo ifyo, pamwanya apa ku kigemo, u—u kufumusya isayo sya Kyāla pa—pa fyābupi fya kipānga, une nālimpilike umwēne ikuyoba mu lwīpúto lwāke kya Kyāla, ukufwana na banyāmbála bala, mūmo fikuti abēne bipūtilanága yumo panongwa ya nnine. Kangi ikyo kikubōmba ikinunu kwa une ukupilika u ntimi uyu abagile ukwīpúta pa ba diakoni bāke, kangi abadiakoni nukugomokesya ukwīpútila u ntimi. Akabalilo kāko ugwe kukēta i kipānga kikubūka mu lwitikisanio bo ulu, mulimosa, ikindukimo kikwitēdekesya ukwēnda. Iyo yo njila i kipānga kikufimbilisígwa ukuya ndubātíko. Kangi ikyēne kikumbapo une itolo ifūndo ya busīmbe bumo. Une nāyaga pakuyoba pa lusayo pa Kadesh, nu lupíko ulwa kupilika isya buyobi bwa batēndéli, lōli polelo une ndinkwāndula ilinogóno lyāngu, ukubūka ku kindukimo ikīngi polelo.

⁸ Kangi lilino, ukufwana nu bubūmbulúsyó, une ndinabo itolo ubuketi ubunini ubu une ngulonda ukupa. Une nāli mu sūbilo une nābagile ukumbona undumiana gwāngu, Billy, kunyuma kula, lōli umwēne alinabo ubwēne mu nyāmbi yāke.

Kangi Billy ikwīsa ukuya kanunupo mu ngomano, ukukīnda iki umwēne ālisibīle ukuya. Āli gwālūtēnde, nsulumanie, kangi umwēne āfwānága ikubabūla abāndu, “O, būka itūgásya pásī! Buka itūgasya pasi!” Ikuyoba, “Une nisakukupa i kādi lya lwīpúto.” Lōli une ngētesisye, lululupo, kukwisa ukuti balipo abāndu mu lukomano aba umwēne ikubapelela ikisa fiyo. Linga umwēne akaya ni kādi lya lwīpúto lisyēle, polelo

umwēne isakubabīka abēne nkyūmba ukuti une mbagile ukubīputīla abēne.

⁹ Kangi ikīndu kya luko ulo kyābonīke ku Chicago, akabalilo ka bumalikisyo aka. Kangi une ngulōnda ukubala u kalata yula linga umwēne nalōli ikwīngīla. Une ndikubūkāmo siku ukwakunkēta umwēne. Umwēne akāmēnye une nayaga pakwīsa ulubunju ulu, kubwa kuno, nukulōnda—nukulōnda kalata yula. Lōli une itolo nālinogwīne isya umwēne akabalilo kāko une nālinogwīne isya bubine bwīngi fiyo. Kangi apa yo njila ikyēne kili. Umwēne yo kalata unisimikisīgwe ukuti . . .

Une nābalāga mu kalatasi ya nōngwa, (Une nasiku; nābūlīgwe) ukuti kūko ifikalatasi fya nōngwa fyankemelāga Oral Roberts, panongwa ya kummwīputīla unkīkūlu uyu āli ni mbungo ya sukali kangi āfwīle. Kangi une, lilino, ukuya Mmerika, une—une ngulōnda ukupilikisya indagilo kangī—kangī unnyāmbāla uyu ali mbulagili. Lōli une ngwīnogōna ikyo kikaya kigolofu. Nguswīga linga abēne bikwīganāga ukubīka, mu kalatasi gwa nōngwa, bōsa aba Oral Roberts ātalīle ābīpūtīle kangī bābūmbulusīgwe, aba abagānga babapīkīle. Une nguswīga, abēne bikusyūmbutusya ikyēne kunyuma kuyege kunyeni, muketile. Abēne bakābagile ukubōmba ikyo. Kangi polelo une ngwīnogōna lumo u mōhēsi abafulgēnie abēne itolo mōsa, mpaka, kangī Kyāla ukwītīkīsyā ikyēne, ukuti i Siku lya Bulōngi abēne bisakufimbilisīgwa ukwāmūla panongwa ya kila. Lōli une mmenye isya maelifu ga bāndu aba Oral Roberts ipūtīle, aba bāfwāga, kangī abēne bali kanunu.

¹⁰ Popāpo, umwe muketile, abēne, abēne bakaya bagolofu isya ikyene. Abēne bisakubīka pānja ulubafu lwābo, ulubafu lwākulōndesya ubusobi, lōli batisa kusōsyā pānja ulubafu ulungi. Lilino, ikikalatasi kya nōngwa kibagile ukukyūnga ikilūndīlo bamanyege pa findu ifyakubōmbīgwa. Polelo une ngwīnogōna, linga abāndu bikupāsya isya yumo nu nnine, linga umundu yumo ikubūmbulusīgwa, nalolilōli abūmbulusīgwe, ikalatasi yōsa mu United State yibagile ukupīmba akapango ka ubwēne. Lōli ugwe ukubagile ukubūla abēne ukubōmba ikyēne. Umma. Ugwe kwēga ikindukimo ngati ikyo kula, abēne bisakūgīla nukukiseka ikyēne, nukukigomokesya ikyēne kunyuma. Lōli lilino linga kilipo kilikyosa ukulōndapo ubusobi . . . Ikyēne kikubūka itolo ukunāngīsyā ukuti ikīsu iki kītēndekīsile ku bulōngi. Kutalusya. Kangī pabagile ukuyapo u bulōngi, kangī yikayapo injila nayimo iyakuyōngēla ubwēne. Kangī abēne bikwīlūndīkīla itolo umoto pa mitu gyābo, na fyosa bo ifyo. Kangī uluko lwa—lwa . . . basitaku bamobēne, ku fūndo! Ikalatasi, ifūndo syāke, ko ku—ku manyīsyā ikilūndilo isya kalikōsa akanunu pamo akabībi, ifi fikuboneka. Lōli abēne bali kubutali ku fūndo syābo. Kangī akabalilo kāko abēne bali kubutali ku fūndo syābo, polelo abēne—abēne batisakubōmbēla ulufūmbo lwābo kanunu mma.

¹¹ Kangi iyi yo njila yiyo iyi icyène kiyīlile ni kipānga. Akabalilo kāko i kipānga kili kubutali ukufuma ku fūndo syāke, icyène kikabagilamo siku ukubōmbéla abīkémó kanunu mma. Uswe tukulōndígwa ukwītūgála palikimo, tubagile ukuya bamobene. Uswe tukulōndígwa ukuya ndumbula yimoyène kangi ulufwāno lumolwēne. Kisita apo, uswe tutisakumbōmbéla Kyāla pamo abāndu, mpaka uswe tuli ndūmbūla yimoyène nu lufwāno lumolwēne, ukwima ni fundo sya i Bāngéli ni findu ifi Kyāla ayobile ifyo fyo fitalusye. Uswe tukufimbilisigwa ukwima akabalilo kosa ni fyene.

¹² Billy alinkukoligwa nkyumba, ku Chicago, umwene... Umunduyumo ikwisa ku mwene, u nkikulu nu ndume gwake, na kansa pa mabagaya, ikufwa. Kangi unkasi gwake ali yo nkubilwe gwa bulemale nkikota kya magudumu, kangu umwene ukugela ukupakisya u nnyambala uyu atoligwaga nu kusumuka mmwanya, na kansa pa libagaya lyake. Kangi Billy aayobile ku mwene, umwene alinkuti, “Une—une nsobile.” Alinkuti, “Une nubuhobofu ngwisakukupapo ilikadi lya lwiputo.” Kangi umwene alinkuti, “Loli une—une ngaya nalyo ilingi limo ili lisyeye.”

¹³ Kangi umwene alinkuti, “Mulimosa, umma ndaga, mwanundumiana.” Umwene alinkuti, “Ikyo kyo kyosa kanunu.” Alinkuti “Uswe tugelile ukufika kuno, loli icyene kyo kikafu fiyo kuli uswe.”

¹⁴ Billy aayobile, “Ngubule ugwe ifi ugwe kubombaga.” Alinkuti, “Une nguyaga pakummwega tata. Kangi une nguyaga pakuntwala umwene muno, kangi une ngumwega umwene panja.” Kangi alinkuti, “Akabalilo kako une ngubomba, akabalilo kako umwe mukupilika Indumi yake,” alinkuti, “polelo ugwe ega ugwako . . . pamo unkasi gwako na ugwe, kangi ingilaga nkakyumba akanini kuko une ngukilania, kangi une nisakuyaga nu mwene ubikwiputula umwe.”

¹⁵ “O,” umwene alinkuti, “ubo bo busubiligwa, mwanundumiana. Ikyo kyo kinunu kifwene.” Muketile? Apo po palipo—apo po palipo akaketelo. Muketile? “Kinunu kifwene. Ikyo kyo kinunu.” Muketile?

¹⁶ Kangi ikilo kila, Billy, akabalilo kako umwene aabukaga kunyuma kula, akali ikulwana na iki umwene aayobile, ukuti umwene ali nu ndamu-nkundwe gwake pala ikusoka ilopa na mabagaya. Kangi undamu-kalumbu pala, uyu asokaga ililopa ukufuma munda, ni filonda fya munda, bope ukuti abene balisile mula na bene, mu luko lwa kubatula abene ukwingila nkati. Ugwe kufimbilisigwa ukuketesya, pala pikuyaga ikyumba kyosa kiswile, umwe mukuketa. Loli ukubuka ukukindamo nukubiputula abene, uswe tukwambilila ukalata ukugomoka, ukwisila mu bakalata, ukuti unnyambala yula abumbulusigwa nubupelesye ukufuma ku kansa yula ugwa mabagaya gake.

Unkikulu, unkasi nkikota kya magudumu, ali mmwanya, ikwendendeka itolo ali kanunu mumo umwene ayilile. Unnyambala nu kusoka kwa lilopa ukwa—ukwa mabagaya, ukufuma ku mbungo ya tibi, yo losa nkafu. Kangi unkasi gwake ali kanunu ukufuma ku filonda fya munda. Bana ba abene babumbulusigwe, ukugolosya! Une nguswiga linga aba kalatasi syanongwa bisakwiganaga ukusimba isyo. Muketile? Muketile? Muketile? O! Loli Kyala akali yo Kyala. Umwene itolo ikubomba ifindu mu njila Yake Mwene, umwe mumenye, kangi Umwene yo nnunu fiyo. Uswe tuli basangaluke fiyo ukumanya ukuti Umwene yo Kyāla.

¹⁷ Uswe twayobaga ulubunju ulungi isya ndumbulili unnini uyu uswe tummenye, uyu alisibile ukusyungutila, ukwiputila ababine na filifyosa. Kangi umwene alinkubuka nukwiputila u mundu nkipatala mu Louisville, kangi umbine gwa tibi, un-kikulu yula afwile. Umwinitu unnini yula alinkuti, “Mulimosa, kukayapo nukufumbwa...Kyala akaya...Akayako na Kyala nayumo. Umwene angali akyungile i Lisyu Lyake.” Alinkuti, “Une mbikile amafuta pa mwene itolo bo—bo i Bangeli lyayobile. Linga Umwene atikukyunga i Lisyu Lyake, Umwene akaya yo Kyala mma.” Alinkuti, “Ilyene lyo buku itolo.”

¹⁸ Lilino, ikuo kyabagile ukuboneka ngati ulo mpaka ugwe gwalimmenye Kyala. Ikyo kyo kiyabo kya Masimbo, loli ikyene kyo kikaya kyosa kya Lisimbo. Ikyene kyo pa lwalo lwa lwitiko lwa pamwenepamwene. Muketile?

¹⁹ Kangi une ndinkumbula unkasi gwangu, une ndinkuti, “Filipo ifindu fingi ifi fibonike, ifi une ngumanya itolo pala kilipo. Une ngamanya iki kikuyaga pakuboneka kwa une kubumalikisyo. Une mbagile ukubuka injila yilayila. Linga Kyala ikusosyamo siku ikiboko Kyake kya kisa ukufuma pa une, une nisakubukaga injila yilayila. Loli akabalilo kosa Umwene isakukyunga ikiboko Kyake ikya kisa nu bulongolelo pa une, une ngukindililaga.” Loli une nalindalusisye Meda, une ndinkuti, “Yo ywani yula ali nkyumba ulubunju lula ukufuma pa imboniboni iya une ukunketa u mwenundindwana gwangu unnini, Sharon?”

²⁰ Munjila iyingi, ilisiku lingi, une ngati nasilike. Une nalitugesye mu lukindi. Kangi umwe mukamenye akapango kangu aka mboniboni iya umwene, ukufuma pala. Kangi une naketile, ikwisa ku bwa kulubafu lwangu, kangi pala ikwisa undindwana unkeke ikusuluka ulukindi apa mu Jeffersonville, ali itolo katikati ngati mboniboni yila. Une ndinkwifimbilisa itolo ukukamata amaboko gangu palikimo. Kyabonike fiyo ngati imboniboni yila iya Sharon gwangu unnini! Umwene ali nkikulu nkeke akabalilo kala.

²¹ Kangi ukufuma pa mboniboni yila ulubunju lula, bo ndi mu Lwimiko, une...Hope ambulaga une, ali ni lukongi lwake

ukusyungutila ikibega kyangu, ikuyoba, “Komma ukupasya sya uswe, Bill. Uswe tuli kanunupo.” Une nagelega itolo ukwipinyilila. Kangi umwene alinkuti, “Komma ukupasya. Finga kwa une ugwe utisakupasya kangi mma.”

²² Kangi une ndinkuyoba, “Une ngabagila ukufinga icyene, Hope, panongwa yakuti une—une une ne . . . Une ngupasya. Une ngutoligwa ukubombela mbungi.”

²³ Kangi une ndinkusokamo mu mboniboni, nimile mu kyumba icyangisi. Kangi komma mu mboniboni, kisita kwinozonela, loli ulukongi lwake lwakali luli ukusyungutila une. Kangi umwene ambapataga une panyuma. Une ndinkwinogona, “Gulila i miniti. Iki kikaya . . .” Une ngamenye ukuti ngukikolelaga fiki icyene mmasiku gala, i mboniboni. Une nakikolile icyene ikisetuka. Une ndinkuti, “Uyu yo . . . Ikiboko kyake kikali kili pala.” Une ndinkuti, “Ngimba ugwe guli apa, Hope?”

²⁴ Umwene alinkuti, “Bill, finga kwa une ukuti ugwe utisakupasyaga kangi mma isya une na Sharon.” Nongwa yakuti, une nali kubumalikisyo bwa nsebwe. Une nalitendekisye ukusulwa ukwipinyilila.

Une ndinkuti, “Une ngufinga kwa ugwe.” Kangi umwene alinkunyubatila une, nukumbapata une ni kiboko kyake.

Kangi polelo une—une ndinkuti, “Hope, ngimba ugwe uli kugu?” Une ndinkuya . . . ndinkwipilika mmwanya, mpaka une ndinkukola unyololo umni pa bwelu nukugukwaba ugwene. Une ndinkusyungutila, ndinkulondesa ukukindilila ikikota kilikyosa, ukuketa linga umwene alitugese pala.

Umwene yo Kyala. Umwene itolo yo Kyala, umwisyugu, mumo Umwene ali pa Kyamba Lwanduko akabalilo kaka Mose na Eliya abonike. Umwene akali yo Kyala.

²⁵ Uswe tubagile ukukindamo mu filundiko fya ndamio ni ngelo. Kumbukilaga itolo, alipo u Munduyumo Yuyo amene, ikwelusya injila, ikupela iyene ukuya yanaloli. Une ngamanya iki kili ku mbenu kwa kisingo. Loli une mmenye ikindu kimokyene, une ngugutila kubwa bungw’ale bwa bubilikigwe ubwapamwanya, ilisiku lililyosa, ukugela ukwitugasyila iyakubombigwa ikikulumba kila iki kisakuboneka pa buyo ilisiku limo akabalilo kaka une nisakumbona Umwene, kisyu ku kisyu, nukuyoba akapango, “Mbokigwe ni lipyana.” Ilyo lyo lisiku ili une ngwitugasyila. Ukufileka ifindu fila kunyuma, ifi fyo, une ngulonda ukugutila nkyeni, itolo ikumilisa ukubuka.

²⁶ Une ngulonda ikipanga iki, lilino pakuti umwe muli pa malundi ginu, Une ngulonda ukumilisa ukugutila nkyeni kubwa bungw’ali bwa bubilikigwe bwapamwanya. Kilikyosa ugwe kubomba, ubatilana palikimo, yaga bakikolo mumo umwe mubagile ukuya, loli akabalilo kosa nu lukongi panja, ukufikila nukummwaga umunduyumo uyungi, ukubawala abene nkati. Loli mu Lwitiko ulu lulo uswe lilino tukulumbilila

kangi nulusūbilo tukulwīla, komma umwe ukusema ni inchi na yimoyēne ukufuma ku Kyēne. Kabuno, linga umwe mukunyītīka une ukuya ntumigwa Gwake, ulu lo lubātīko lwa Kyāla. Ikyēne kitisakuyamo siku mbwīngi. Ikyēne bwīla kisakuyaga mbūnāndi, bwīla kili kangi bwīla kisakuyaga. Lōli, kumbukilāga, ukwēne kusimbígwe, “Ukupāsyā mma, ntimo unnīni; ikyēne kyo kwīgāne ubununu bwa Tāta gwīnu ukubapa umwe i Kitāngalāla.”

²⁷ Lilino, kilipo ikibugutila kya mbubōmbēla-mbombo ubwa kipānga kyītu, abadiakoni, abasūbilígwa, unkulumba gwa sukulu ya Ndungu, abatimi, ukuya pakuti ikipānga kyītu kibikígwe ndubātīko. Kangi umwe, bāndu, mwāsūngwīle mbubōmbēla-mbombo muno kangi u ntimi uyu. Une ne itolo nketelēla gwāfyōsa, ukukēta ukuti ikyēne kikukīndilila kanunu, nukupa ulufūndo na fyōsa bo ifyo. Umwe mwe bābo aba bikusūngūla untimi gwīnu, umwe mukusūngūla abasūbilígwa bīnu, umwe mukusūngūla abadiakoni, umwe mukusūngūla ububōmbēla-mbombo bulibōsa ubu bulipo nkipānga; umwe, mwe bāndu. kangi iyēne yo mbombo yīnu ukwīma na banyāmbāla bala, muketile, kabuno abēne bisakutēndēka ubusobi. Abēne bo bākufwa. Abēne bo banyāmbāla itolo, kangi abēne bisakutēndēka ubusobi. Lōli linga u Prezidenti gwa United States ikutēndēka ubusobi, ngimba uswe tukunsopela umwēne pānja, ukuya Prezidenti? Uswe tukwībwa isya ubwēne nukukīndilila nkyēni. Iyo yo njila uswe tukulōnda ukubōmbēla ikipānga kyītu lilino. Une nāmpilikāga umwēne ikwīpūtīla, amaminiti manīni aga gakindilēpo, abadiakoni bala. Kangi ukupilika kunyuma kula, ubukēti, ku kifigo, ukufuma ku basūbilígwa, mūmo fikuti nu bufwāne bumobwēne umwe mwēsa muli. Lilino tūgāla injila yilayila. Lilino, umwe mwe benekaya ima kifuki na basūbilígwa aba, abadiakoni, kangi ntimi. Kangi kumbukilāga, akabalilo kāko umwe mukutwāla iki palikimo, kumbukilāga ukuti ikyēne yo mbombo ya mōhēsi ukuti ikyo kubongotoke mōsa. Lilino ikyēne kyo bwīla kyāli kangi ikyēne bwīla kisakuyāga. Lōli umwe ima kifuka na mbubōmbēla-mbombo bwīnu, kangi ubu bwāli bo buyobi ubu une nāyāga pakutēndēka.

²⁸ Kangi polelo une ndinafyo apa fyōpe fimi. . . ikindukimo kya pakimato kyānōngwa ulubūnju ulu, isya ukwāgana kwa fibugutila na maka gābo. Kangi ikyēne kisakuyaga pa kimato kyānōngwa. Kangi une ndi ni kinyāke kya kikalatasi kya Nkundwe Roberson, uyu yo gwakikota gwa badia- . . . gwa basūbilígwa. Kangi polelo une ndinakyo ikinyāke kya kikalatasi kya Nkundwe Collins, une ngwīnogōna, uyu yo ikubōmbēla ukuya gwakikota kya kibugutila kya badiakoni. Kangi lilino, mōsa mbubombelambombo ubu bubātīkígwe ukufwāna ni Lisimbo, kangi abēne bikufīmbilisígwa ukuya ni ndagilo Syamulisīmbo isya iki abēne bikufīmbilisígwa ukubōmba.

Kokuti, abasūbiligwa bali nu bubōmbelambombo bwābo bēne. Kangi abadiakoni bali nu bubōmbelambombo bwābo bēne. U nkulumba gwa sukulu ya pa Ndungu ali nu bubōmbélambombo ubwāke mwēne. Kangi u ntimi yo ntu gwa ntimo.

²⁹ Lilino, aligwesa gwa ifi ali ni fīndu mbumobwēne. Kangi une ngwīnogóna ukuti ukwāgana kwīnu kulingayaga palikimo, lōli ukwēne kubagile ukuya mbubombelambombo pabenepabene, 'nongwa yakuti abadiakoni bakaya nakyo nakimo icyākuyoba ku bakyūngafyuma pene pāpo abēne bali ni mbombo iyakutwāla ku bēne. Kangi ukusyūmbutusya, abakyūngafyūma bo bali pa fyūma ni fīndu fya buyēngo; abēne bakaya nakyo nakimo na badiakoni. Abadiakoni bo basikali ba kipānga, kangi batuli kwa ntimi. Kangi abakyūngafyuma bo bakoleléla ba bukabi. Abakyūngafyuma bakaya nakyo nakimo icyakubōmba ku bumalikisyo bwa fyāmwbambépo ifya icyēne, kangi abadiakoni bakaya nakimo icyakubōmba ni bumalikisyo bwafyūma bwa icyēne. Kokuti, icyēne kibagile ukuya. Kangi u nkulumba gwa sukulu ya Ndungu yo ali pamwanya pa sukulu ya pa Ndungu. Popāpo une nsīmbole icyēne kyōsa, ukutaipa kyōsa, ukuya pa kimato kyānōngwa.

³⁰ Kangi polelo uswe nūswe tukuyaga ukubīka, nki ndalasi, i Kimanyisyo iki ikipānga kikwīmīla, kangi ukukibīka Ikyēne mu lindalasi nkati muno, nkipānga; iki uswe tukwīmīla, i—i fūndo, i Kimanyisyo kya kipānga. Lilino, ukuya kipānga, uswe tukufīmbilisigwa ukuya ni kimanyisyo.

³¹ Uswe tutikusimba pāsi imbaso silisyosa, nukuyoba, “Uswe itolo tukubūka mpaka *apa* mma.” Uswe tukubūka pānja itolo kukubutali, nu bulilanisi na aligwēsa, ubu Kyāla isakutwītíkīsyā ukubūka, mMasimbo Gāke, na bāndu. Kangi lilino mmatililanāga palikimo, yaga ba lufwāno lumolwēne, indūmbula yimoyēne, kangi kindililāga panongwa ya Kyāla. Iyo yo njila Kyāla ikulōnda uswe ukubōmbela.

Lilino unko uswe twipute, kangi polelo igula i Lisyu.

³² O gwempala Ntwa, uswe lilino tuli kifuki ukusegelela ku Lisyu Lyabunyakyala, pamo ukubala kwa Lisyu ili. U Mbepo Mwikémo Gwāko alilinganiāga kwa uswe kila kīkyo uswe tufūmbilwe. Kangi unko uswe tuyobe, Ntwa, nukubōmbéla nukwitūgala, tumenye ukuti uswe twēsa tuli bāna Bāko, mu lipyāna, mūmo Ugwe gwātubilikile uswe. Apene paliyāngāpo ubulilanisi nkipānga iki, tukukēta ukuti uswe tuli itolo kifuki ukwīsa mu buseme bumo ubukulumba, uswe tukwīpilika, isya kutwāla abalūmbilili abāngi bamo ukubūka pānja migūnda igya kūko, linga Ugwe gwisakunduma une mfiyabo ifikīndānekīndāne ifya kīsu, kula ukwākwāla u Lwītiko, kangi ukuya nu mbōmbéli itēdekīsyā kangi iganile, kangi amanyisigwe ukwēga nukukīndilīla. Kangi u Lwītiko ulu akabalilo kamo lwātwalīgwe ku bīkémo, ulu uswe nubukifu

tukwîmila, luliyaga kyakusyûngutîla ukusyûngutîla i kîsu. Pàga ikyène, Ntwa. Akalûndiko ka lîsu aka, mûmo akène kayîlîle ilisiku limo akabalilo kâko uswe twakasayîle akène kwa Ugwe, apène paliyângápo ikipânga kikufyûkila mmwanya apa, Ntwa, ukuti ukufuma ku kyène babûkége ababômbéli na babângéli na bamanyisi na batumigwa, ku fiyabo fyôsa ifya kîsu.

³³ Uswe tubagîle ukusuma, ulubunju ulu, ulusayo lwapalubafu kuli u gwîtu Nkundwe na Kalumbu Stricker uyu yo ikukubilwa lilino. Lôli uswe tumenye ukuti uswe twêsa tubîkîgwe ku ngelo isi. Umwanundumiana aligwêsa uyu ikwîsa kwa Kyâla ikufimbilisîgwa ukufûndîgwa, ukugelîgwa. Kangi linga uswe tukufuluka nakalinga, nukugomokela, polelo uswe twe bâna basigwána, kangi komma bâna ba Kyâla. Bapápo Nkundwe na Kalumbu Stricker ububômbelo na maka, ukwîbanîlîla ku bubombela mbombo bwâbo. Linga abène bikufimbilisîgwa ukusumasuma ikyakula nki iki abène bikulya, unko ikiboko Kyâko ikya lusayo kiyege pa bêne. Kabuno uswe tutikumanya lôli ikyène kibagîle ukuya ukwisila mu bugele bulabula ukuti Ugwe ubagîle ukunângîsya umpeligwa gwa Africa iki u Nkristi gwanalôlîlôli ali. Tupaga ikyene, Ntwa. Lilino itikisya ukuti ikyene kibombigwe nukufwana nu bwîgáne Kyako.

³⁴ Nsaye untimi uyu, Nkundwe Neville. Uswe tukusûma, Ntwa, ukuti Ugwe kwisakumpela umwêne ntimi gwa ntimo, mûmo Ugwe ubômbîle iyolo. Kangi uswe tutisakwîbwa unkasi gwâke unganîgwa, unnîni uyu yo mbine fiyo. Undugu ikulônda ukundeka Nkundwe Neville ni kibugutîla kya bâna bala, kisita mama mma, loli uswe twimile nukubîka, nu lwitiko, i Lilopa lya Yeso Kristi pakati pa ndugu yula na kalumbu gwîtu. U Mbepo Gwâko, Ntwa, aliyaga nkulumba pa mwêne, tumenye ukuti abakîkûlu bôsa basungulîgwe ukwênda pâsi ukukînda mu lusôko ulu, ulwa ngîsi iya ngululo iyi, lôli uswe tukusuma ukuti Ugwe kwisakuyaga nagwe. Sayaga abâna banîni bala. Umwêne ikuyaga gwâlutênde lilino, kangi gwakutîla, lôli u Mbepo Mwîkêmo aliyaga pa kifigo kya kisa, pa tubalilo tôsa, kuli kikolo kila.

³⁵ Sayaga ikibugutîla kya bakyûngafyûma, ugwîtu Nkundwe Wood, kangi ugwîtu Nkundwe Ega, Nkundwe Roberson, ka bôsa abangi, Ntwa. Abadiakoni, abakyûngafyûma, na bôsa aba bayîle bînitû nkipânga, uswe tukusuma, Ntwa, ukuti Ugwe kwisakubaleka abène ukubômbela akabalilo kâbo nu bwîkêmo nu—nu bugolofu. Sayaga bala, Ntwa, aba babômbîle nkabalilo aka kakîndîle. Kangi uswe tukusuma ukuti Ugwe kwisakukîndîlîlâga ukuya na twêsa ba uswe, ukuti uswe twisakumanyîgwâga ukuya kipânga kya bumobwêne, kangi Mbepo nu lugáno lwa Ntwa. Uswe tukusuma lilino ukuti Ugwe kwisakutuyabilaga uswe i Lisyu, mûmo uswe tukufûmbilwa, bo uswe tukubala ukufuma mu Lisyu Lyâko ilisîmbîgwe. Kabuno uswe tukusuma ikyene mu Ngamu ya Yeso. Amenî.

³⁶ Kangi mu kwīputa, une ninogonága bo uswe tukusaya pamo ukusuma isayo isya fyamwisyugu. . . ikītu ikibugutila kya bakyūngafyūma na fyosa bo ifyo, une nīnogonága isya ugwītu Nkundwe Fleeman nu Nundwe Deitzman kangi abēne bitūgēsye apa, aba babōmbīle kanunu, pa butasi. Kangi uswe tukulōnda ukuya bākupālisya kwa Kyāla panongwa ya bubōmbēli bwābo ubusūbilígwa. U Ntwa aliyaga bwīla nabo abēne, ukubasaya abēne kangi ukubatūla abēne. Une ngulōnda ukubala bo tukāli. . . Itolo kumbukilaga lilino, ikimato kyānōngwa na fyōsa bo ifyo, ni ngomano isi sikwīsa.

³⁷ Kangi uswe tuli bahobofu ukuya nagwe na uswe, ulubūnju ulu. . . Mulimōsa, une mbagile ukuyoba ikyēne bo ulu, u nnyāmbāla uyu āli mpala fiyo kwa une, ntubalilo utu tukīndīle, kangi mpala lilino, u nkūndwe unnunu, Fred Sothmann, ukufuma. . . kangi unkasi gwāke, ukufuma ku Saskatchewan, Canada, uyu yo ali apa ukuyāta na uswe, nkīsu kyītu, u njāte; lōli mbulilanisi bwītu, u nkūndwe unganígwa, Nkundwe Fred Sothmann itugēsye pala. Umwēne ikupākisya isasania kuli une akabalilo kāko une nāli mu Canada.

³⁸ Kangi unkūndwe uyūngi umpala uyu yōpe āli iyolo gwaku Canada, uyu yo āli nkyulusi, kangi abagile ukusisimikisya ku kīsu ukuti ugwe ukubagīla ukuntola Kyāla pa bupi. Umwēne na nnīne bābūmbīle ulwālo lwa fyūma fya kuyēngēla ubuyo, pamo panongwa ya butumígwe bwāpanja, u lwālo. Kangi abēne bālimbilikīle une ku Oakland, ku lukomano, kangi balinkuyoba abēne bāli ni hela. Abēne bābagile ukuhōmba ikyēne kyōsa, mu lwālo lwābo.

³⁹ Nkundwe Fred na une twāgelile kila ku hela simo isi Nkundwe Fred āli nasyo, isi une ngābagile ukwēga ukuya mundu yumo. Popāpo polelo uswe tulinkwīnogóna ukupa isyēne ku bāndu ba ku Canada kangi kisita nukwegako ikyabupi, lōli ikyēne kikatubōmbīle uswe ubununu nabumo. Ingomano syāli kanunu. Lōli panongwa yakuti uswe tukālyēgīle ikyābupi. . . Une ndikupāsya linga ikipānga kyo kya madola mabilyoni mia yomu, ugwe pōpe kumeleligwa ikyēne, kwa Kyāla, ukwēgapo ikyābūpi. Ikyo kyo kiyabo kya bwīputi. Kangi ugwe kunhīya ikyo. . . Nafiyo napāpo une ngulwāna ni hēla ni findu bo ifyo, une ngusyāgania, akabalilo kāko umūndu yo nsōbi, ugwe ubagile itolo ukwītikīsyā ugwe uli nsōbi, panongwa yakuti Nkundwe Fred na une twākībwēne ikyēne kikwīsa ukuya kikaya kanunu fiyo mma.

⁴⁰ Kangi, Nkundwe Borders, akabalilo kāko une nālekéne nu Nkundwe Fred nukwīsa kula kwa ugwe ku Oakland, une ndinkuti, “Komma ugwe ukubōmba ikyēne. Ugwe itolo pīlāga isahani ya kubunganikīsyā, ega mōsa ikyābūpi, kangi, kilikyōsa ikyēne kili, gomokesya ikyēne mu lwālo lwāko ku lukomano ulūngi kubuyobumo.”

41 Kangi bo imbōmbélo sikāli ukwīgala, Nkundwe Border na bīnake bikwīsa kwa une, nukuyoba, “Na bubwīnga ubu uswe tubīkilémo mu—mu lukomano, kitalīle kyēgīgwe mōsa.”

42 Kangi polelo, amasiku manini aga gakīndilépo, umwēne ātēndike indendeko kuli ulukomano mu San Jose, California, kūko umwēne āli na bamo, une ngusakisya ifipānga malongo mahano na limo pamo malongo mahano na mabili ndusoko, ifya nyītiko isyakukīndanakīndana fyosya fikwītikisania. Uswe twāli nu lukomano ulununu, nukugomokela kangi, Novembala. Uswe tuhobwīke ukuya na ugwe na uswe, Nkundwe Borders kangi Nkundwe Fred itūgēsye kunyuma kula. Kangi abanyāmbāla aba bahēsya lumo kwa umwe mwēsa, lōli abēne bo bākundwe bapala kwa une panja pa migūnda, ukulwīla nulūsūbīlo panongwa ya Lwītiko ulu uswe tukulwīmīla. Kyala akusaye ugwe, nkundwe. Uswe tuli bahobofu ukuya na ugwe ulubunju ulu, mbunīni, ikitēmbē kyaiyolo apa. Ikyēne kikaya kīngi fiyo ikukikēta. Lōli kilipo ikindukimo apa, iki, uswe tumenye ukuti Kyāla ikwitūgala apa, umwe muketile, popāpo uswe tuli basangalufu panongwa ya ikyo. Kangi balipo abāngi abakūndwe abapala, līnga une nāli na kabalilo ukuyoba, aba bali na uswe umwīsyūgu.

43 Lilino une ngugūlīla kangi ngwīpūta ukuti mmasiku manini aga gikwīsa, u Ntwa itikisyēge, une ngulōnda ukubūka, ngwīpilika ukulōngosīgwa. . . Une ngabōmba ulufumusyo mma. U lukomano ulukōnge, ku Ohio, ukuya nu Nkundwe Sullivan, pa migunda gwakugonela, nkabalilo kapīmba. Ukwēne ko kwēne kifuki amamailosi mia yumo ukufyūkila kula, une ngusakisya, Gene, ikindukimo bo ikyo. Buyege bwēndelo ubununu, umwe mukabātika ubutusyo bwīnu pambombo, līnga u Ntwa ikukīndilīla ukutulōngosya uswe. Unnyāmbāla unnunu fiyo, kangi uswe tukupālīsa u Nkundwe Sullīva, pabunywāmu fiyo. Itolo u. . . Umwēne yo nkulumba gwa kāya. Umwēne āli itolo yo nkulumba gwa kyāya ugwaiyolo, kangi itolo gwanyīho-syaiyolo gwa kiKentucky. Ikyo kyo kyōsa une mbagīle ukuyoba isya umwēne. Akabalilo kāko une nālyāgaēne nu mwēne ilisiku limo mu. . . Uswe twēsa-babili twākūlīle mfyāmba fya Kentucky. Umwēne alinkuuoba kwa une, “Ngimba ugwe ukāli uli na akakunūngisya kāko ukusyūngutila ilikosi lyāko, Billy?” Lilino umwe mumenye mumo—mūmo Kentucky umwēne āli. Lilino unko uswe tusanukile mwi. . .

Nalumo ulusitaluyīndīko kwa bakundwe bāngu aba Kentucky apa, Nkundwe Jeffries, na fyōsa bo ifyo. Une ne gwaki Kentucky, nīne, umwe mumenye. Une nisakubabūla umwe ikindu kimokyēne uswe tuli. Uswe tukaya na kiKentucky mma, pamo kangi uswe tukaya baMerika mma. Uswe twe bendanjila kangi bahesya. Uswe tukulondesya Akaya aka kikwīsa.

44 Lilino ku bubale, unko uswe tubale ukufuma mwa Būku gwa Kusōka, ku maminiti manini. Une ngulōnda ukubala ukufuma

mu ntu gwa 23, kangi ilinandi lya 20 ukufika ilinandi lya 23, ukongelela gosa. Kangi une ngulonda ukwēga ubusimbe ulubunju ulu, ukufuma bo iki, ubwa iki, ndigi: *U Lubāngo Lōsa*. Kangi une ndikukābilāga mma, ukuyoba, lilino akabalilo kāko une nāgūlilāga umwe ukusanukila mwa Būku gwīnu nu ntu.

Kēta, Une ngutuma u Gwāndūmi pankyēni pa umwe, ukubakyānga umwe mu njila, nukubatwāla umwe ku buyo ubu une ndendekīsye.

Mwāndēge nu mwēne, . . . pilikila ilisyu lyāke, komma ukunkalalīsya umwēne; namanga umwēne atisakuswa ingilanio syīnu: kabuno ingamu yāngu yili mwa umwēne.

Une nsisimikisye ukuti ikilundilo kimenye Uyu u Gwāndūmi uyu ali. “Ingamu Yangu yili mwa Mwēne.”

Kangi linga ugwe kwīsa naloli ukupilikila ilisyu lyāke, kangi ukubōmba kyōsa iki une nguyoba; polelo nisa Une kuyaga ndugu kwa balugu bīnu, kangi mpingania ku bapīngana bīnu.

Kabuno u Gwāndūmi isakutalulaga pankyeni pa umwe, nukubatwala umwe. . . ku ba Amori, . . . aba Hiti, . . . aba Perisi, . . . aba Kenani, . . . aba Hifi, kangi. . . aba Yebusi: kangi une nisakubatumlila abēne panja.

⁴⁵ U Ntwa alisayaga i Lisyu Lyake bo uswe tukuyoba lilino ku maminiti Manini, linga umwe mukwiputa. une ninogonaga pa kimanyisyo iki, ikya: *U Lubāngo Lōsa*.

I Kipanga akabalilo kosa kyali mu—mu bunandi. Ikyene kyo bwila kisakuyaga, mu benekaya, mpaka Yeso ikwisa. Loli Ikyene kikwitugala pasi pa sako Syake imbegwa-na-Kyala. Linga uswe twamenye itolo, iki kyo Kipanga kya Kyala gwabumi; komma i Branham Tabernacle, loli i Branham Tabernacle yo itolo kiyabo kya Ikyene. Filipo ifingi bo fipanga bo ifyo ukukilania ikisu.

⁴⁶ Nkundwe Snelling, ikilo iki, ikuyaga nu bubombelo bwa losyo. Une nalibibwe u Nkundwe Curtis alimbulile une ukufumusya ikyo, pamo alimbulile une mmayolo, ayaga nu lwene. Umwene ikuyaga nu bubombelo bwa losyo. Kangi linga aligwesa apa akosigwamo siku, tasi, fiki Nkundwe Snelling isakuhobokaga ukubomba ikyo, ikilo iki. Ikyo kyo Holiness Tabernacle ku Utica. Kangi Nkundwe Junior Jackson, mu New Albany. Kangi filipo ifipanga fingi ukukilania ikisu. Loli uswe twesa tukwitugala, kikuboneka ngati, pa lubafu lwakutolwa, ukufwanamo mwe.

⁴⁷ Une mbilike Nkundwe Neville ikufumusya ikufumusya ulubunju ulu, ndikunyuma kula, ukuti ikyene mu luko lumo kyalisile ku linogono lyangu, ukuti abandu bikuboneka bikusokako ku lubāngo. Ikyene kikuboneka ukuya kindukimo, ukuti, abandu bakibwene ikyene, popapo abene itolo

bikukigutila ikyene panja ku lubafu lumo, “O, mulimoso, Kyāla abagile ukubomba ikyene.” Loli ubo bukaya buketelo mma.

⁴⁸ Lilino, Mōse, akabalilo kako umwene abilikigwe na Kyāla, umwene ali losa, ukumalika nsololi.

Akabalilo kako Kyāla ikutuma u mundu ukubomba kalikosa, Umwene losa ikumfwika umwene na filifyosa ifi umwene ikufumbwe. Linga Kyāla ikumbilikila u nnyambala ukuya ndumbilili, Umwene ikubika ikindukimo mwa umwene ukulumbilila nakyō. Linga Umwēne ikumbilikila umwene ukuya mmanyisi, Umwene ikubika ikindukimo mwa umwene ukumanyisya nakyō. Linga Umwene ikumbilikila umwene ukuya nsololi, Umwene ikubika ikindukimo mwa umwene, ukuketa imboniboni kangi ukuya nsololi. Kyala akabalilo kosa nukumalisya ikumfwika u nnyambala Gwake.

Kangi isyo syo itolo isi Umwene abombile akabalilo kako Umwene antumege Mose mu Igupti. Umwene alinkusisye umwene injila yimo insisimikisye. Kangi Umwene alimanyisye umwene injila yimo insisimikisye, kangi Umwene alimbumbile umwene, nukutendeka umwene, nukunnosya umwene. Ukufuma papo Umwene afitengege kwa Abraham, aba mia ba fyiinja kunyuma, ukuti Umwene isakuponesya abandu, polelo Umwene—Umwene alinakyo mu ligoonelo ukuti Umwene isakutendeka Mose itolo mumo Mose atendekigwe. Mose ali nukumalisya nsololi. Kangi polelo, ukuya gwakumalisya nsololi, polelo . . .

⁴⁹ Itolo ngati ugwe, linga ugwe gwe Nkristi, Kyala atikutendeka a Bakristi banjila yasinda. Kyala ikutendeka a Bakristi abafwane. Kyala atikutendeka abalumbilili basinda mma, loli undumbilili yumo abagile ukuya gwanjial yasinda. Kangi Kyala ikutendeka abana Bake Bakristi, loli utubalilo tumo abene bo Bakristi banjila yasinda. Loli ubwene bukaya bwigane bwa Kyāla ukuti abene ukuya njila yila. Isyene syo njila syabo bene syafuluganike palikimo nu lubatiko lwa Kyāla kuli ubumi bwabo, kangi ikyo kyo iki kikutendeka abene ukuya injila abene bali. Kyāla atikulonda abene ukuya Bakristi banjila yasinda, ukulekelela ku lubafu ulu na ulu, pamo . . . Umwēne ikulonda abene ukwima losa nkati mwa pakati.

⁵⁰ Lilino, Mōse, Kyāla alintendike umwene u nsololi umfwane, panongwa ya lubāngo ulufwāne. Kangi Mōse aliyipile nubufwane mmaboko ga Kyāla. Iyo yo nongwa ikyene kyalintendike umwene ukuya iki umwene aali. Umwene aali nalolilo mwa Kyāla mpaka Kyāla abagile ukunsubila umwene.

⁵¹ Une nguswiga, ulubunju ulu, ukuya Bakristi, linga uswe twipele ubwigane bwitu bwene, kangi ukwiyipa twibene naloliloli fiyo kwa Kyala, mpaka Kyala abagile ukunsubila uswe ubuyo ubu Umwene atubikilepo uswe. Une nguswiga, ulubunju ulu, isya nimwene, linga une nabagile ukuya naloli

nipele kwa Kyala mpaka Kyala abagile ukunsubila une, abagile ukunsubila Nkundwe Neville, abagile ukunsubila ikibugutila kya bakyungafyuma bitu, ikibugutila kya badiakoni bitu, pamo abenekaya bitu ba kipanga. Uswe twesa tuli nu buyo, kangi uswe tuli ni mbombo yimo.

⁵² Umbombeli ali nabo ubuyo bwa mbombo, ukwima nu kulumbilila ubukabi ubusitakulondesigwa ubwa Kristi kisita kulekako, linga umwene abilikigwe ukuya ndumbilili. Umwene angali atikulekaka akandu kamokene kuli umundu yumoywene, linga umwene abilikigwe ukuya ndumbilili.

⁵³ Kangi umwenekaya gwa kipanga, umwene abilikigwe ukuya mwenekaya gwa kibugutila iki ikisisimikisigwe, polelo umwene angali atikulekako. Linga ikipanga kikwitika uswe tulingakinaga injuga, polelo abenekaya balingapalamasyaga ngamo siku ikilundiko kya makadi. Uswe tutikwitika mu kunwa, umwene abagile ukusanusya untu gwake losa ukufuma ku kunwa. Linga uswe tutikwitika mu bulagusi, pamo ukukwesa, umwenekaya gwa kipanga iki alingapalamasyaga ngamo siku ikindu bo ikyo. Kyala ikupa ulubāngo ulufwane. Akabalilo kako uswe. . .

Umwene isakubomba ikylene linga uswe losa tukwiyipa twibene ku Mwene. Linga uswe tukwisa ukwiyipa twibene nkiboko Kyakye, polelo Kyala abagile ukwitugala mwa uswe. Kristi, u Lusubilo lwa Lwimiko, Umwene abagile ukundalika Mwene ukufuma mwa uswe bo uswe tukwitwala twibene ukufuma pa njila. Polelo inyinogono syitu syo nyinogono Syake. Ngimba ugwe ubagile ukwinogonela Kristi ikukwesa ingambo? Ngimba umwe mubagile ukwinogonela Kristi ikunwa, pamo ukukina amakadi? Polelo linga umbepo gwako yo kiyabo kya Mbepo Gwake, Umwene ikulonda ikylene ukuya pa bwifumusye bwāko. Lōli ugwe kummwitikisya u mōhēsi ukwingīla nukupoka. Kangi akabalilo kōsa, mu ndumbula yāko, mbutali mbusolofu, ugwe umenye ugwe uli nsobi akabalilo kāko ugwe kubōmba ifindu ifyo.

Kangi akabalilo kāko u mwenekaya yumoywēne abagile ukuyoba ukulwana nu mwenekaya uyūngi, ugwe umenye ikyo kyo kisobi. Umwe mukulagililigwa ukwīpūtilāna yumo nu nnine, komma ukuyoba ukulwana yumo nu nnine, lōli ukuganana yumo nu nnine. Kangi linga yumo ali pāsi, unko uswe tumpīmbe umwēne mmwanya, ntula umwēne. Lilino, ikyo kikupela uswe i—i—i kibugutila ikibūnganie kya bitiki. Lilino, akabalilo kāko uswe tutikupilikila ikyo, polelo uswe tutikuplikila Kyāla kangu uswe tukunkalalisya Kyāla. Kangi kokuti, ikipānga kyītu, abandu bītu bakabagila ukukaba, ikipānga kitisakukīndilila, yo nongwa yakuti uswe tukaya bamobēne, palikimo. Bo Yeso āyobīle, “Unkese unnini gukukesa ikimomo.”

54 Lilino, linga ikibugutila kya kipānga, pamo ngati a— a badiakoni, babagile ukwisa nukuyoba ukuti abēne bāyaga pa . . . bīnogonāga uswe tubagile ukuyēnga ikiyumba ikipyā. Linga ulo lo lusalo lwa badiakoni, kangī abakyungafyūma bakalālūsīgwa kangī abēne bakaya nasyo i hēla ukubōmba ikyēne, polelo abēne bali nu lubātiko lwakuyēnga mūmo uswe tuli nabo bukukīndilila lilino. Kangī polelo ikyēne kyālyēgile ikilūndilo kyōsa, mūmu uswe tubagile ukuya, ikipānga kyōsa ukuya pakyēne. Polelo linga ikipānga kikusalā kuli ikiyūmba ikipyā, polelo uswe twēsa tubagile ukwitikisania palikimo mu kuyenga ikiyūmba ikipyā kila.

55 Mbwanaloli, nimwēne, akabalilo kāko abēne bāyobīle isya kiyūmba ikipyā, kwa une, une nāli gwakulwana ni līnogōno. Uko ko kutalusya. Une ndinkuti, “Uswe tutikufumbwa katikati ikiyūmba ikipyā. Une lumo ngwisakusōka ngapo apa lululu ulu, mūmo u Ntwa . . . linga ikyēne iki Umwēne ikunāngīsya une kikwīsa ukuboneka. Ngimba uswe tukufūmbwa ni kiyūmba ikipyā kya fiki? Uswe tukaya nasyo i hēla.”

56 Polelo une ngusuluka pāsī nukwīpilika ubwīpiliko bwa kipānga, ukuti ikipānga, mbwīngi, kyabonekaga ukukilōnda ikyēne. Polelo ngimba une nābōmbīle fiki? Une nāgogile amīnogōno gāngu gēne kangī ndikwītāgilāmo mula ni kipānga. NalōLi, unko uswe tubōmbe ikyēne. Linga . . . Iyo yo njila uswe tukubīka ubulagusi, iyo yo njila yāli nkabalilo ka i Bāngēli, injila ikipānga kyāsālile. U—u bwapabwene bwa kipānga, ifibugutila fya bāndu, abēne bikwīsa palikimo. Mu bumobwēne galimo amaka. Popapo, polelo, une nayobile, “Naloliloli, linga iyo yo njila iyi ikipanga kikulonda, linga ikyo kyo iki Kyala ikulonda, Umwēne ali nu bwīngipo bwa bulagili ukusala pakati pa kibugutila kyōsa kya bāndu ukukīnda Umwēne ukufimbilisigwa ukwisa kwa une, panongwa yakuti une ngaya ni mboniboni ukuyoba ukuti ikyēne kilingayaga.” Popāpo uswe tukwisopa mula ni kipānga, nukukīndilila ni kipānga. Kangī une ndi kunyuma kwa ikyene, ukubōmba kyōsa une mbagile, muketile, ukutūla ikipānga.

57 Iyo yibagile ukuya fūngo ya Nkristi aligwesa kangī umundu aligwesa nkipānga, ko kwibūngānia palikimo nukubanililāna palikimo. Kilikyōsa iki ikipānga kikwīsalila, ikyo kyo iki uswe tubagile ukwimila. Polelo tutigi, ukwēgelela itolo, i . . . tukulōnda ukwāndula ikindukimo nkipānga. Mulimōsa, polelo, linga abakyūngafyūma bikulōnda, i . . . umduyumo uyūngi ikulōnda, abadiakon, abēne bikulōnda ukwandula ikindukimo, kila kikwīsa pankyeni pa kipānga, ikipānga polelo palikimo. Kangī linga ilyītu—linga ilyīti ilīnogōno apa likuboneka ukuya likīndāne panini ukukīnda iki ikipānga kyōsa kyāyobīle, unko uswe tugoge ifundo yila, panongwa yakuti iyo yo yēne injila uswe tubagile ukwīma bamobēne. Kangī linga ikipānga iki kisa itolo ukukīndilila mu njila umwe mukukīndilila lilino, kangī yaga

bamobēne palikimo, Kyāla isa . . . Ikyēne kyo kisitampaka, iki Umwēne isakubōmba, linga uswe tukwībanilila palikimo. Uswe tukufīmbilisīgwa ukwībanilila palikimo. Umo momūmo uswe tukulōnda ukuya, fiyo tufwanene yumo nu nnine, kangi polelo fiyo tufwanene mmaboko ga Kyāla.

⁵⁸ Polelo uswe tukufīmbilisīgwa ukuya nu nnyāmbàla uyu uswe tukwitika ukuti ikulūmbilila i Lisyu lya Kyāla. Linga u nnyāmbàla atikubōmba ikyēne, polelo ega umunyuyumo uyu ikubōmba ikyēne. Iyo yo njila uswe tukufīmbilisīgwa ukwīma. Linga ikubugutula kya bakyūngafyūma batisakwīma pa iki kyo kitalusye, polelo iyēne yo mbombo yīnu ukusala umunduyumo uyu isakwīma pa iki kyo kitalusye. Kangi polelo akabalilo kāko umwe mukubōmba ikyēne, itugala ni kyēne. Ikyēne kili kwa umwe. Ima ni kyēne. Kangi, twēsa palikimo, uswe tukwīmīla i Kīndu kimokyēne, uyu yo Kyāla.

⁵⁹ Linga u mwenekaya ikutēndeka ubusobi, komma ukunkaga umwene. Ntula umwēne. Mfyusya umwēne mmwanya. Isaga palikimo, yaga nukupilikisania yumo nu nnīne. Ikyo kyo iki i Lisimbo likuyoba. Akabalilo kāko uswe tukutēndeka ubusōbi, unko uswe tubūke pankyēni pa Kyāla. Bo uswe tukāli ukubūka pankyēni pa Kyāla, uswe tukufīmbilisīgwa ukubūka ku mūndu uswe tumfulēsye.

⁶⁰ Une itolo nāfīmbilisīgwe ukubōmba ikyo. Kangi une mmenye ukuti une nābōmbile ubusōbi. Une nāsyoḃilez, ndinkupela unkasi gwāngu ukusyōba. Une ngusūbila une mbabūlile umwe isya ikyēne, apa pa kipānga. Ikyēne kyāli amasiku manini, pakaya patali mma, ikyēne kili kifuki imilungu mihano na mibili igi gikindilepo. Abāndagilo balindāsulēnie une mōsa, pa bukufukulefukule ubu, mpaka une ndinkutoligwa ukumanya kūko une nāli. Une nābūkile itolo ku kāya ukufuma ku mbombo, ukwakulya ifyanamayolo. Kangi i fōni ya kubutītu yilinkwīmba, kangi Meda alinkubūka ukwāmūla i fōni. Umwēne alinkubūka ikiboko kyāke pamwanya ka yēne, alinkuti, “Ikyene bo bala abāndagilo kāngi.”

⁶¹ Une ndinkuti, “Une ngābagile ukwikasya amayolo agāngi. Untu gwāngu gukwīpilika ngati ugwēne gukusōkāmo. Une ngutāga ilinogonelo lyāngu, itolo ukungwāba une injila iyi, kangī injila yila, kangī injila iyi.” Une ndinkuti, “Une ngabagila ukwikasya ikyēne mma.” Kangi une ndinkunyēla mmwanya, nukuyoba, “Babūla abēne une ngayapo apa mma,” kangī ukubopa ukusyūngutīla kumbenu ya nyumba.

⁶² Akabalilo kāko une ngugomokela . . . Meda yo gwamaso fiyo isya findu ifyo. Umwēne ālyāgéne na une pa kifigo, ikulila mwasinda. Umwēne alinkuti, “Bill, ngimba kila kyāli kīndu kyakutalusya ukubōmba?”

⁶³ Umwe mumenye mumo une. Une mmenye mumo une ngwipilikila. Une ndinkuti, “Naloliloli. Une ngabagila muno

palapala pala.” Une nāmènye Kyāla ālindobísye une panongwa ya kila. Une ndinkuti, “Une ngāli nkati muno palapala pala.”

Alinkuti, “Lōli ugwe gwāli nkati muno akabalilo kāko umwēne ātēndíke ukukōléla.”

⁶⁴ Pamusi pala une ndinkubūka kukwīpūtīla umwāna umbine. Kangi bo une ngāli ukusókápo pa nyumba, i fōni yilinkulīla kangī, kangī unnini Joseph alinkubopela kula nukwēga ubukolelele bwa fōni nukuyoba, “Tata, ugwe kulonda une ukubabūla abēne ugwe ukuyapa apa?” Umwe mukukēta mūmo ubutulwanongwa bukubolesya, kyo kikolo kiki ikyo kubumalikisyo kikyuga?

⁶⁵ Ukwanda Yohani, untu gwa 5, kangī ilinandi lya 21, alinkuti, “Linga indumbula syītu sitikututobesya uswe mma, polelo uswe tuli nu bwikasyo mwa Kyala.” Lōli linga indumbula syītu sikututobesya uswe, ngimba uswe tukuyaga bulebule nu lukasyo mwa Kyāla? Uswe tumenye, akabalilo kōsa uswe tuli nu butulwanongwa ubu bukafumusígwa, Umwēne atisakutupilikamo siku uswe. Ikyo kyo kikafu, lōli, ikyēne kyo—ikyēne kyo—ikyēne kyo, ikipānga kikufūmbwa ifīndu ifi.

⁶⁶ Polelo une ndinkwanda ukwīputīla u mwanike uyu. Kangi akabalilo kako une ndinkwanda ukwāla amaboko gangu pa kene, u Ntwa alinkungemela une, kangī alinkuti, “Ugwe gwāyobile ubutūngulu. Ugwe ukaya gwākufwāna ukwīputīla umwāna uyo.”

⁶⁷ Une ndinkusyumbutuka ukufuma ku nnyambala. Une ndinkuti, “Nkulumba, ugwe itolo gūlīla apa. Une ndinakyo ikindukimo ikyakunosya.”

⁶⁸ Une ndinkumbilikila ugwandagilo kangī ndinkubūka kula ku bubombelambombo, ndinkwakwāgāna nagwe nkati mula. Une ndinkuti, “Kēta, nkulumba, une nāyobile ubutūngulu. Une nālimpelīle unkasi gwāngu ukutūngulupa. Umwēne ātīle une ngāli nkati mula, napāpo une nābopile pānja kumbenu kwa nyūmba.” Kangi une ndinkwilāmbika ikyene kangī nukumbūla umwene isya ikyēne.

⁶⁹ Ndinkusegelela kula nukubīka ifiboko fyāke pa kibega kyāngu. Umwēne alinkuti, “Nkundwe Branham, une bwīla nāli nu lusūbilo mwa ugwe, lōli une ndinalo lwingipo ukukīnda na siku lilino, u nnyāmbāla,” umwēne alinkuyoba, “uyu ikwīgāna ukutēndēka butalusye ubusobi bwāke.”

⁷⁰ Une nālimbūlīle umwēne, une ndinkuti, “Une nālyāndīle ukwīputīla u mwāne yumo, kangī u Ntwa āndobesyāga une itolo, mu ndumbula yāngu, panongwa yakuti une nāmēnye une nābōmbīle ubusobi.”

⁷¹ Polelo, ilisiku lya kilabo, unkasi alinkuyoba, “Ngimba ugwe kubuka kugu?”

Une ndinkuyoba, “Ku mbako yangu.”

⁷² Kangi une ndinkubūka ku mbako yāngu, ukufyūka pamwanya pa Charlestown, kūko une njileko, ku fyinja. Une ndinkwīngīla mula, nukwīpūta ilisiku lyōsa, “O Kyala, komma ukunyitikisya une ukubomba ikindu bo kila kāngi. Ugwe nswaga une, Ntwa, namanga bo une ngwānda ukubīka amaboko gāngu pa bandu ababine, ukwīpūta, polelo une nātobesīgwe.” Ukwisa mula pa sala ya butatu ku namayolo, une ndinkusōka pānja. Lilipo ilyālábwe ilinywāmu lilāmbaléle pānja pala. Kangi une ndinkufika pa lyalabwe lila kangi ngukēta mmwanya kubwa kubusōkel’ilusuba, na maboko gāngu mmwanya, nguntufya u Ntwa. Kangi ukwēne kwāli itolo kimyemye fiyo nkati mula. Kangi une ndinkuyoba, “Gwe Ntwa, linga Ugwe kwisa itolo. . . Akabalilo kamo Ugwe gwākilēnoe pa Mose, kangi umwēne ātile ikyēne kyāli i. . . akabalilo kāko Ugwe gwālimbīkile umwēne mu mbako ya lyālábwe, kangi ikyēne kyābonike ngati kiyabo kya nyuma ya nnyāmbāla.” Une ndinkuti, “Ngimba Ugwe bule ukubomba ikyene kangi, Gwentwa? Unko une mmanye Une nhobokelīgwe.” Kangi une ndinkuti, “Linga Ugwe kundūla une nukwīsa ku linogonelo lyāngu. . .” Une ndinkuti, “Ntwa, une ngaya gwamaka fiyo mma, mmahala, panongwa yakuti une ngaya nu bumanyili.” Une ndinkuti, “Kangi une—une ne ngugela ukukubōmbéla Ugwe. Ugwe umenye indumbula yangu, kangi une nga. . . Une ngabagīle ukubomba ikyo. Une ngāsanusyaga ukubōmba ikyo mma. Untu gwāngu itolo gwīpilikāga ngati ugwe gukunyukuka, une nāli nulutēndo fiyo, kangi une nābōmbile ikyēne mu kukamandigwa kwa kabalilo akabalilo kāko Sētāno alingolīle une.” Une ndinkuti, “Linga Ugwe kunswaga une, unkp une ngukēte Ugwe, polelo, gwe Ntwa.”

⁷³ Kyāla ukuya yo Ndongi gwāngu; itolo kubwa kulubafu lwāngu lwakilīlo, ubuyo ubunini mu lusingi kulinkwānda ukufulafumbi ngati Mbelo, kangi Ikyēne kilinkwīsa mulamula ukwisila ku lubafu lwa mbako kūko une nālikoz, kangi kilinkusuluka ukukīndilīla mmatēngele. O, nkundwe, u lutēngāno ulu lukukīnda ubupilikisyo bōsa bulinkupyāgīla pamwanya pa une, kangi une ndinkukūta. Une ndinkulīla. Une ndinkuywēga. Une mmenye imbībi syāngu sihobokelīgwe une. Muketile, une nāli mpagulīgwe ukufuma kwa Kyāla, iune ndinkutoligwa ukuya nu lubāngo kuli u mwāna yula.

⁷⁴ Une. . . Kangi ilisiku lilalila ilyākīlābo ālipo u nnyāmbāla ukufuma ku Chicago, uyu yo nnyāmbāla unkulumba, u Nkatolika itolo apindusīgwe, ifipopelo mu ndūmbula yāke fyalīswīle mōsa ngati ilifūtīlo lyankati ilitūmbate, kangi abēne bāgelāga ukutumulila ifyēne pānja pa kabalilo katali, bayaga pakubōmba, kangi umwēne alinkusita kubītikisya abēne. Kubumalikisyo umwēne alinkwāga ubuyobesanio. Injobesanio sila, uswe tukwītugāsya itolo ni yēne mpaka uswe tukusyāgānia iki kyo kisobi. Kangi u nnyāmbāla ālisīle itolo nkati mula, mpaka u Mbepo Mwikémo alinkubūka ukugomokela pāsi ukukīnda

ubūmi bwāke nukubilikila panja ikindukimo umwēne ābōmbīle akabalilo kāko umwēne āli ndumiana gwa kukikgemo mu kipānga kya Katolika. Umwene alinkuti, “Ikyo kyo bwanaloli. Ubo bo bwanaloli bwa bwanaloli.” Alinkuti, “Ngimba ugwe kumbula une ikyo kyālwanāga na une?”

Une ndinkuti, “Ugo go gwene unsyūngūlu ugu une mbagile ukuketa mbumi bwako.”

⁷⁵ Alinkubūka ukugomokela kula nukumbula u ngānga, alinkuti, “Umma ndaga, bīka ifindu palikimo lilino, uswe tukuyaga nu bupānje.”

⁷⁶ U ngānga alinkuti, “Uswe twisakugela ikipimilo kyaiyolo kangi.” Kangi akabalilo kako umwene aketege ikylene, umwene alinkuti, “Ugwe utikufumbwa ubupānje.” Muketile?

⁷⁷ Linga indumbula syītu sikututobesya uswe, uswe tukulonda u lubāngo lōsa. Uswe tutikulōnda ukuya gwasinda, kipānga. Uswe tukulōnda ukuya kipānda kyanaloli pamo nakimo ikipanga napandi. Uswe tukulōnda a Bakristi banaloli pamo nabamo a Bakristi napanandi. Uswe tukulōnda u lubāngo lōsa ukufuma ku nyiho syītu, ukufuma ku mbībi syītu, ukufuma ku bwinogonelo ububībi, ukufuma ku bubōmbelo ububībi, ukufuma ku bukobe bwītu, kilikyōsa uswe tubōmbile. Uswe tukulōnda u lubāngo lōsa, ukuti akabalilo kāko abāndu bikwīsa nkipānga iki, ukuti biputiligwe, apēne pisakuyapo itolo akabugutila kanini aka (lumo komma ukukīnda mia yumo, pamo babili) bītūgēsye apa, lōli abēne bisakuyaga lōsa mmaboko ga Kyāla. Kangi akabalilo kāko uswe tukwīpūta, polelo Kyāla isakutupilika ukufuma ku Mwānya. Kyāla ikulōndu umunduyumo uyu Umwēne abagile ukukoleléla mmaboko Gāke, umunduyumo uyu Umwēne abagile ukuyoba, “Une ndinalo ulusūbilo muno. Une mbagile ukutuma iki, ugwāmbombo Gwāngu umbine, ku Branham Tabernacle ku Jeffersonville, kangi akabugutila kala ka bāndu kali mbwitikisanio bumobwēne.” Ikindukimo kisakuboneka.

⁷⁸ Mulimōsa, kēta iki Umwēne ikubōmbéla uswe mu kayīlo aka uswe tulimo. Ngimba fyo fiki ifi Umwēne ābagile ukubōmba linga uswe twāli ndumbula yimoyēne kangi ukwitikisania kumokwēne? Injila yēne uswe tubagile ukubōmba ikyo, ko kubūngānia indumbula syītu palikimo nu lugāno lwabukūndwe, pilikila ababombambombo pa kipānga, nu ntīmi, kangi u ntīmi pilikila Kyāla. Polelo Kyāla ikubombela imbombo ukwisila mu ntīmi, ukwisila mu kibugutila, ukubuka ku kipanga, kangi fyōsa palikimo fyo kīyabo kimokyēne ku Kitāngalāla kya Kyāla. Polelo Kyāla isakupilika, akabalilo kāko uswe tuli kibugutila kimokyēne. Unko nakimo kingabatamiāga umwe. Komma ukuyasulumaniāga ku kilikyōsa.

⁷⁹ Lilino, ulo lo luko lya mūndu uyu Kyāla āsayīle ukwēga ikīsu kila. Mōse āli mfwāne, umwēne āli nnyāmbāla uyu akaleka

ngako mma. Linga lwālipo ulūmano nukulwāna, na fyōsa bo ifyo, umwēne akalekangapo mma. Ikyo kyo iki Kyāla ikulōnda uswe lilino.

⁸⁰ Farao ālōndāga ukupilikisānia alinkuti, “Mōse, ugwe ubagile ukubūka, kangī, lōli, ugwe ubaleke abāna bāko kunyuma, pamo leka simo mwa ng’ombe syāko kunyuma kuno.”

⁸¹ Iyo yo njila iyi mōhēsi ikulonda u Nkristi ukwisa. “Ikyēne kisakuyaga kanunu kyōsa kuli ugwe ukwīngila ikipānga, lōli komma ugwe ukuhobokelamo Jones. Ikyēne kikuyaga kinunu linga ugwe ubagile ukutwāla nkati ikyāko. . . linga ugwe ubagile ukubūka. . . Ugwe utikufimbilisigwe ukuleka ukukwēsa kwāko, ukunwabwālwa kwāko, ukusyōba kwāko, ukwība kwāko, ukulōndesya ubusobi kwāko, uluheho. Ugwe utikufimbilisigwa ukuleka ikyo. Ingila itolo ikipānga.”

⁸² Lōli Mōse akāli gwakulekako mma. Umwēne ālōndāga ulubāngo ulufwāne. Umwēne alinkuti, “Uswe tutisakuleka ni kyūga nakimokyēne kunyuma. Uswe twisakwēga kilikyōsa iki kyo kya uswe, akabalilo kāko uswe tukubūka ukwakumwīpūta u Ntwa.”

⁸³ Iyo yo njila ikipānga kibagilw ukuya. “Uswe twisakwēga ubugolofu. Uswe tukwisakwēga ubwikemo. Uswe twisakwēga u Mbepo Mwīkemo. Uswe twisakwēga ikibugutila iki kili kimokyēne akabalilo kāko uswe tukubūka ku kigemo. Uswe twisakuyaga kibugutila kyanaloliloli. Uswe tutisakuleka nakimo kunyuma. Uswe twisakwēga kilikyōsa. Patisakuyapo ikyūga nakimokyene kikusyāla kunyuma kuno.” Umwe mumenye, kangī abāndu babagile ukwīpūta mu njila ya luko lumo mpaka mōhēsi isakukwitika ukutoligwa.

⁸⁴ Iyo yo njila iyi Mōse ni kibugutila kyāke bābōmbīle. Abēne bābūkīle pabwa pala nu kuya pāsi pa lilopa. Umwe mwāketesīsyē, mpaka abēne bāli pāsi pa lilopa, lukālipo ulubāngo lōsa mma. Mōse, mwēne, umwēne āli yumo na Kyāla, lōli Israeli akāli mma. Mula mwākāli bwālīmo ubutulwanongwa. Kangī abēne balinkwibūnesya ukulwāna na Mōse, kangī abene balinkuti, “Fiki, ngimba ugwe fiki kubombaga iki? Ugwe kutwāla u lutamio lwīngipo pa uswe.” Nongwa yakuti, Farao itolo ālyōngelile kabili ububale bwābo bwa ngelwa, na fyōsa bo ifyo. Yula āli Mōse; umwēne āli lōsa mmaboko ga Kyāla, lōsa aponesigwe ukufuma ku butima-ng’osi, ukubuka ku butima bwa ng’osi sya Kyāla. Umwēne āli lōsa mponesigwe, mwēne. Lōli abāndu bakaponesigwe mma, panongwa yakuti apēne pākāli palipo ukwibūnesya pakati pa bāndu.

⁸⁵ Ikilo kimo akabalilo kāko Kyāla āsayīle ukuti akang’osi kabagile ukugogīgwa, ikyakwēgelēla kya Kristi, kangī ililopa lyayubikigwaga mu līsu lya hisopu, ili, itolo līsu (lyapalipōsa, lyakwīyīsyā), nukubīkīgwa pa litapwa lya kifigo na mayēngo, ako ko kabalilo kāko Israeli alinkuya lōsa aponesigwe, ni

kyūga nakimo kilekígwe kunyuma. Fyōsa ifi fyāli fya bēne fyāponesígwe. Ifikolo fyābo, abaganigwe bābo, kangi kilikyōsa fyāponesígwe akabalilo kāko abēne lōsa bālisile pāsi pa ilopa.

⁸⁶ Ako ko kabalilo kāko ikipānga kisakuyaga lōsa kiponesígwe, akabalilo kāko kilikyōsa kikwisa pāsi pa Ilopa. Akabalilo kāko imbībi sikwīsa pāsi pa Ilopa, akabalilo kāko ukukwēsa kwāko, akabalilo kālo ukukina injuga kwāko, akabalilo kāko ukusyōba kwāka, akabalilo kāko ukuhiya kwāko, akabalilo kāko ubutūngulu bwāko, akabalilo kāko kilikyōsa kitwāligwe pāsi pa Ilopa, polelo pala pisakuyapo ulubāngo lōsa. Ugwe unsobīle umunduyumo, tēdekesya ikyēne kanunu. Ugwe ukabagīla ukutwāla ikyo pāsi pa i Lilopa, ikyēne kitisakwītūgāsya. Ugwe ukabagīla ukukitwāla ikyēne. Ikindukimo kitisakukuleka ugwe ukubōmba ikyēne. Akabalilo kāko ubwīmwenē bo lōsa, mōsa nutwāligwe pāsi pa Ilopa, pala pisakuyapo ulubāngo lōsa; polelo ugwe kwisakwāga nu bwābuke ngati ugwe ukabumanyamo siku pabutasi. Akabalilo kāko kilikyōsa kikutwāligwa pāsi pa Ilopa, ukutwāligwa mu kwiyufya ku Kitāngalāla kya Kyāla, polelo pala pisakuyaga u lubāngo ulwanaloli.

⁸⁷ Yeso āli lōsa, mōsa nnyāmbāla. Umwēne ābagīle ukukūta ngati nnyāmbāla. Umwēne ābagīle ukulya ngati nnyāmbāla. Umwēne ābagīle ukukatala ngati nnyāmbāla. Umwēne āli lōsa, mōsa nnyāmbāla, mu būndu Bwāke bwamumbili. Kangi mwa Mbepo Gwāka, Umwēne āli lōsa mōsa Kyāla, popāpo Umwēne āpelīle u mbili Gwāke ukuya gwākwīyūfya kwa Mbepo uyu āli mwa Mwēne. Umwe muketile, Umwēne āgelīgwe mu njila sinyingī mūmo uswe tuyīlīle. Umwēne āli nnyāmbāla, komma u Gwāndumi mma. Umwēne āli nnyāmbāla. Umwēne āli ni finyonywo ni ngelo, itolo ngati uswe tukubōmba. Ili Bāngēli lyāyobile Umwēne ābōmbile. Umwēne āli nnyāmbāla, komma u Gwāndumi pamwanya pa ngelo. Bahiburi 1 āyobile, ukuti, “Umwēne āli. . .” Bahiburi 1:4 āyobile, “Umwēne ātēndikīgwe pāsipo ukukīnda a Bāndumi.” Umwēne āli nnyāmbāla, lōsa nnyāmbāla; ukuti Kyāla ālyēgīle u mūndu umfwāne, ukutwāla ulubāngo lōsa, kangī Umwēne alinkummwīsusya Umwēne na Mbepo Gwāke. U Mbepo Mwikemo āli mwa Umwēne kisita bugelelēlo. Kangi Umwēne āgelīgwe mūmo uswe tuyīlīle. Kangi Umwēne āli lōsa Kyāla. Umwēne āsisimikīsye ikyēne akabalilo kāko Umwēne āsyūsīsya abafwe, akabalilo kāko Umwēne imikāga ikipelīgwa, abasūmbi aba bikubūna kangī imibelo igyāmaka. Akabalilo kāko Umwēne āyobile ku mipiki, na fyosa bo ifyo, igyēne gilinkumpilikila Umwēne. Umwēne āli Kyāla, nkati. Kangi Umwēne abagīle ukuya nnyambala, namanga Umwēne āli nnyambala, loli Umwēne lōsa kangī mōsa āliponīsye Mwene (ukuya nnyambala) mmaboko ga Kyāla, ku bubombelo bwa Kyāla.

⁸⁸ Kangi Umwēne yo kyakuketelelelapo kyītu. Uswe tuli banyāmbala na bakikulu. Uswe kangī tuli Bakristi. Linga

Umwēne yo kyakuketelapo kyītu, unko uswe lōsa twitwāle twībēne mmaboko ga Mbepo Mwikémo, ukuti uswe tubagile ukuya bāpasi ba Kitāngalāla kya Kyāla.

⁸⁹ Umwēne ālo lōsa nnyāmbāla; Umwēne āli lōsa Kyāla. Lōli Umwēne alinkwīyipa ifiyabo fyakipeligwa Fyāke ku Bwāke . . . kangi ifiyabo fyamumbilil Fyāke, kangi ubwinogonelo Bwāke Mwēne, kangi ububōmbelo Bwāke Mwēne, kangi imbākisyo Syāke Mwēne, kangi, “Une ngubōmba kyēne iki kikunsangalusya Tāta.” Mwaketa umwe lelo. Lōsa ukuponesigwa ukufuma ku būndu bwa bāndu. Abapūti bikwīsa ku Mwēne, abanyāmbāla abakulumba, nukuyoba, “Rabbi, *gwakuti-na-gwakuti*,” nukugela ukunhōnga Umwēne mu bwinabo bwābo ni fipanga-fipāgūke. Lōli Umwēne āli lōsa āponesigwe panongwa yakuti Umwēne āsūbilāga mwa Kyāla.

⁹⁰ Ngimba u Gwamasalimo akayobile, “Ugwe kwisakumpnesyāga Umwēne, namanga Umwēne lōsa asūbile mwa Une”? Muketile? “Une nisakumpnesya u Nganigwa Gwāngu ukufuma ku mbwa, panongwa yakuti Umwēne asūbile mwa Une.”

⁹¹ Isala yimo akabalilo kako uswe tukufika ku bumalikisyo bwa bwēndelo bwa bumi, une ngulonda ikyene ikyāngu. Une mkenye ugwe kulonda ikyene ikyāko. Une ngulōnda Umwēne ukuyoba, “Une nisakumpnesya umwēne ukufuma ifilēga fya bufwe, kabuno umwēne āsūbile mwa Une. Une nisakumpnesya umwēne ukufuma ku lipūmba, pa lubunju lwa busyūke, lōsa ukumpnesya umwēne, fyōsa umoyo, mbili, kangi umbepo, panongwa yakuti umwēne asūbile mwa Une.”

⁹² Imbombo sya Yeso syōsya syāfwēne. Kilikyōsa kyāli lōsa, mōsa, kiponesigwe. Umwēne lōsa āponisye ugwabukoma ukufuma ku bukoma. Umwēne lōsa āponisye unkīkulu ugwa koneka ililopa, ikufuma ku kōneka. Umwēne lōsa āponisye ikīsu ukufuma ku butulwanongwa, akabalilo kāko Umwēne āfwile pīsiku lwa buhōmbe. Umwēne lōsa āponisye ubutulwanongwa bulibōsa. Umwēne āponisye i Kipānga. Popāpo pakayapo ulufūmbwe kuli uswe ukwītūgāla pa lusako ulunāndipo, bāndu. Kukayapo ukufūmbwa kuli uswe ukwītūgāla mbuyīyo bwakupōnjoligwa, panongwa yakuti Umwēne āpōnjwīle u mōhēsi nukwēga gōsa amabukulumba ni mimaka, nukukanya ifyēne pāsi pa malundu Gāke, kangi ifyēne fikaya nu bwābuke bwalulagili nabumo ukulagila pamwanya pa umwe. Uswe twe Bakristi, twīsusigwe na Mbepo Mwikémo. Uswe tutikufīmbilisigwa uku- . . . ukundeka u mōhēsi ukulagīla kwa uswe. Kristi atuponisye uswe, u lubāngo lōsa; ukuponesya uswe ukufuma ku bubībi, ukuponesya uswe ukufuma ku butulwanongwa, ukuponesya uswe ukufuma ku bupube, ukutuponesya uswe ukufuma ukuyobayoba, ukuponesya uswe ukufuma—ukufuma ku bukosityoni, ukutuponesya uswe ukufuma ku luko losa lwa findu finyanyasi. Umwēne lōsa

atuponisye uswe nukutubika uswe mmaboka Gāke amikémo; ulufwāne, lōsa ulubāngo.

⁹³ Umwēne ātuponisye uswe ububine bwītu. Umwēne ātuponisye uswe ukufumu ku bubine, namanga uswe tuli nu lwītikano lwa bwenenakyo ku ikyo. Haleluya! “Kabuno Umwene afulasigwe panongwa ya ngilanio syitu, ni fulale Syake uswe twāgāngwike.” Umwene yo Mbumbulusyi gwitu. Fyōbéne yula umpelakisa, unnini, unkikulu gwapolio, ikugela ukumpākisya unduma uyuāfwāga na kansa, umwene alinkwenda mu Kuyapo kwa Kyāla. Umwēne āli nu lwītiko. Kangi umwēne. . . Abagānga bābōmbile fyōsa ifi abēne bābagile ukubōmba, popāpo umwēne ākongesisyē indagilo sya Kyāla kangi āli lōsa āponesigwe.

⁹⁴ Abafūndigwa bāli nu lubāngo lōsa, naloliloli lōsa ulubāngo. Nongwa ya fiki? Panongwa yakuti abene bāli lōsa bīsusiḡwe na Mbepo Mwīkémó. Akabalilo kāko ugwe, itolo i mwenekaya gwa kipānga kangi gwaponenie amaboko ga ntīmi, pamo yumo. . . gwāli nu luko lumo lwa kyakukubonekela ikye kunyelanyela, ukuywēga, pamo ukuyoba mu ndimi, pamo ikindukimo ikīngi. kangī ukālī uli na kabini mu ndumbula yāko, akabōmbelo akahēsya, ukuyoba ubutūngulu, ukukwēsa isogoto, ukunyonywa abakīkūlu; kilipo ikindukimo iki kikālī kikabōmbigwa tāsi. Kilipo ikindukimo ikisobi. “Kabuno umwene yu akiganile i kīsu, pamo ifindu fya nkīsu, u lugāno lwa Kyala lukayamo mwa umwene.” Ugwe ulongosigwe mbusobi. “Ni seke syabo ugwe gwisakubamanya abene.”

⁹⁵ Uswe twēsa tukulōnda ukuya yumo palikimo, na Mbepo Mwīkémó. U mwenekaya aligwēsa ikulōndigwa ukuya yumoywene, yumo nu nnīne. U lugāno lwa Kyāla lukubalanisigwa panja mu ndūmbula syītu na Mbepo Mwīkémó. Umwēne ikutusuka uswe ukufuma ku busitabugolofu bōsa. Uswe tuponesigwe ukufuma ku fīndu fya nkīsu. Yeso ātile, “Iki abandu bōsa bisakumanya ukuti umwe mwe bafūndigwa Bāngu, akabalilo kāko umwe muli nu lugāno, yumo kuli unnine uyungi,” akabalilo kāko u mwenekaya yumo ikungana umwenekaya uyungi naloli fiyo mpaka ikyēne kisakufwīla ikyēne.

⁹⁶ Akabalilo kāko ikīndu ikibībi kikwānda, ikīsu kya pānja, bamo mwa bakīkūlu balinkwīsa mula nukuyoba, “Lilino, keta, mpala, ikyēne kikuyaga kinunupo kuli ugwe linga ugwe kubōmba *iki*, pamo kubōmba *kila*, gwāfwéle *iki*, pamo gwābōmbile *kila*, pamo ubōmbīle *iki*, kangī usokileko ukufuma ku kipāmbó kila ikya bikemo-babūngulūka,” pamo fyosa bo ifyo, uswe tuli fiyo mbumobwēne na Kyāla!

⁹⁷ Ugwe kuyoba, “Mulimosa, Nkundwe Branham, ikyene kyo ngelo ukukīnda.” Loli Kristi ālifwilile pa nongwa iyo. U mōhēsī apōnjoligwe. Uswe tukulōnda ulubāngo lōsa. Uswe tukulōnda i kipānga iki kyo kipelelesye kangī kyēlisigwe kangī kisitakubwāpuligwa, kangī kisukigwe mu Lilopa lwa Kamg’osi,

kangi basondigwe na Mbepo Mwikēmo, ni fimanyilo ni fiswigo ni fika. [Ubuyo busitakandu pa tepi—Nsimbi.] . . .lōsa ponesya aligwēsa. [Ubuyo busitakandu pa tepi].

⁹⁸ Gwempala Kyāla, Ugwe utikwēga ifindu pene pāpo ikyēne kyo lōsa kiponesigwe. Ugwe ulinkutoligwa ukwāmbilila ilikemo na kasolo pa lyēne. Ugwe ulinkutoligwa ukwāmbilila ulwīpūto, ulu bulipo ubutulwanongwa kunyuma mbumu bwa mundu yula. Ugwe ukabagile itolo ukubōmba ikyo, Ntwa. Ugwe gwātōligwe ukubōmba ikyēne mu ngulilo isi sikīndilēpo, kangi Ugwe ukabagila ukubōmba umwisyūgu. Lōli i likemo likufimbilisigwa ukuya kisita kasolo. Ntwa Kyāla, bo uswe tukwīlāmbalika twibēne pa kigemo, ubūmi bwālikemo, ega ukufuma mwa uswe, O ntwa, utubābye twa butulwanongwa. Une lōsa ngulāmbalika u moyo gwāngu, kangi umbili gwāngu, kangi amaka gāngu, ukugela kwāngu, ni kipānga iki ulubunju ulu, pa kigemo. Suka uswe ni Lilopa Lyāko, kangi tuswaga uswe ukufuma ku butulwanongwa bulibōsa ubu uswe tubōmbile. Kangi unkulumba Mbepo Mwikēmo nu bukīndike fiyo alisyālāga mwa uswe, kangi u Kuyapo Kwāke kulibūkāga na uswe ukufuma ku kiyūmba iki ulubunju ulu, ukuti uswe twisakumanya nkati mmyītu ukuti Umwēne atuswīle uswe. Polelo ulwīpūto lwisakuyaga, “Tuswāga uswe ingilanio syītu mūmo uswe tukuswa bala bābo bikutōngila uswe.” Pāga ikyēne, Ntwa.

⁹⁹ Yage Ugwe kifuki na uswe lilino, tusaye uswe kangi tukyūnge uswe mpaka uswe tukwāganāga kangi ku bubombelo bwa namayolo. Tuli isaga uswe muno na maboko amasukigwe ni ndūmbula imbelesye, ukuti Ugwe utisakutupīka, namanga uswe tukulōnda ulufwāne kangi lōsa ulubāngo ukufuma ku kalikōsa, Ntwa, aka kisakutukupīnga uswe ukufuma kukukya bwēlu bwa kīsu; i nyāle iyi yibīkigwe pa kām̄ba, komma ikilūndu pamwanya pa yēne, lōli inyāle iyi yibīkigwe pa kām̄ba, iyi yikupa ubwēlu ukulōngolēla amalūndu ga bāndu mu njila iyi yo ndalusye. Tupaga ikyene, Tata. Uswe tukusuma ikyene mu Ngamu ya Yeso, kangi ku lwimiko Lwake. Amen.

¹⁰⁰ Une nguyaga pakunsuma Doc. . . Une ngwinogona umwēne ali kunyuma kula, pamo yumo mwa badiakoni uyu alipo. Ukuti ikipānga kibagile ukubala iki, Doc, isaga bika iki pa kimato kyānōngwa ukuti i kipānga kibagile ukukēta ikyēne bo abēne bikusōka pānja. Kangi polelo Nkundwe Collins, linga umwēne ali apa. . . Ngimba Nkundwe Collins alimo? Mpapo umwēne ikīngi iki.

¹⁰¹ Kangi, fyosa fili kanunu, nkulumba, kangi uswe tukuketaga iki. . . [Nkundwe Branham ikubala akakalatasi—Nsimbi.] Ikyēne kyo yumo ikulōnda ukuyobesania. Ikyo kyo bwīla kikupīgwa. Uswe tuli bahobofu.

Kangi une ndinasyo injobesano. Umwe muketile, ikīndu ugwe kubōmba ko kubilikila imbalilo panja pala. Uswe—

uswe twāli nu lutamio lwīngi fīyo ku nyūmba, ikipānga kimenye ikyēne. Aba bo bahesya. Ikipānga kimenye isya ikyēne. Kibagile ukuyapo ikiyabo kinini kibīkīgwe. . . Une ngwisakuya nakyo ikyēne kibīkīgwe apa nkipānga, kyōpe, ku aba bikwīsa. Umwe muketile, silipo si nyīngi fiyo, mpaka uswe tukutoligwa ukupākisya isyēne syōsa, itolo mūmo isyēne sikwīsila mu mbwīngi. Muketile? Kangi uswe. . . Linga ugwe kwisakubilikilāga BŪtler 2-1-5-1-9, BŪtler. [Imbalilo ya telefoni yāndusīgwe—Nsimbi.] Kangi aligwēsa gwa benekaya uyu ikumbona aligwesa uyu ikulōnda, une ne bwīla nguho boka ukwāgāna na bāndu. Lōli uswe tuli nu lubātiko lwa bwila. Balipo bāmo bītēdekīsye babilikīgwe, abakindaekindane, muketile. Kangi uswe itolo tukwisako, yumo na yumo, bo uswe tukwīsa. Polelo balipo. . . Kwalisibile ukuya, uswe itolo twāli nu luko lwa kutika kwa mulimosa, mu njila yiliyōsa, ukunyēla, ukukilania, abāndu bābūkāga kukāya basulumenie na filifyōsa. Lilino abēne balinafyo fyōsa itolo ndubātiko. Kangi ikyo kyo iki uswe tukugela ukuyobelapo, muketile, ukubīka kilikyōsa ndubātiko, itolo nubupelesye.

Kangi une nisakuyaga nhobofu ukukēta ikipani ikipala iki, linga abēne bisa itolo ukubilikila BŪtler 2-15-19 (1-5-1-9), kangi Tata. Mercier pamo Tata. Goad, yumoywēne, isakwāmula i fōni nukukubūla ugwe itolo katikati ndili ugwe ubagile ukuya nu bulagano. Uswe tuli nabo ubuyo pānja pala, ni mbepo mbupwano, kangi twītēdekīsye ukwāmbilila abāndu nukubīputila abēne. Uswe tuli itolo bahofu ukubōmba ikyēne.

¹⁰² Lilino, inōngwa une ndikwīsa ku kipānga, abāndu bikwīnogōna une ngugela ukusōkāko ku bāndu; ikyēne kikaya mma. Une ngugela u—u kuya katikati ndubātiko. Muketile? Ikyo kyo iki une ngulōnda ukuya, itolo ndisakunāngīsya uluyīndiko lwa mūndu. Umundu aligwēsa, aligwēsa, kulikōsa, akabalilo kalikōsa, muketile; lāngi, kimanyisyo, fikaya nafyo nafimo ifyakubōmba ni kyēne. Uswe tukwīsa papapa apa nukwāgāna na bāndu. Kangi linga abēne bali nu kufumbwa, uswe tukwitūgāsya palapala na Kyāla mpaka ikyēne kikwāmulīgwa. Linga abēne bikulōnda ukumanya kalikōsa isya ngomano, ena, uswe tukupākisya isya ikyēne nukupāngānia ikyēne. Ikyo kyo kyene bulongosi bwa Mbepo Mwīkēmo. Kangi ikyo kyo. . . Iyo yo njila, une ngwīnogōna ikyēne kyo itolo, ikyēne kikubōmba aligwēsa itolo katikati kilakila. Polelo, lukayapo uluyīndiko ulwa mūndu, nalumo uluyīndiko.

¹⁰³ Ngimba bālipo abāndu aba bīsile ukwīputilīgwa, ulubunju ulu, aba bāli babine kangi bālōndāga ukwīputilīgwa? Umma ndaga. Bakayapo mma.

Polelo unko uswe twīmbe ulwīmbo ulununu kuli i. . . ku lutufyo. Ngimba fiki ifi uswe tubagile ukwīmba ulubunju ulu? “Kyo fiki kibagile ukusōsyāmo ubōnangi bwāngu?” Ugwe

ulumēnye ulwēne, Teddy? “Nakimo lōli li Lilopa lya Yeso.” Ngimba kyo fiki kibagile. . .

[Kalumbu ikuyoba kwa Nkundwe Branham—Nsimbi.] Umma ndaga, nkulumba. Ugwe kulōnda ukwīputila umwēne lilino?

Une ngubūkága ukwīputila kuli unkīkúlu yula. Bika amaboko pa nkikulu uyu apa. Ngimba umwe mubagile ukwinamisya untu gwīnu na une, polelo, nikimyemye lilino.

¹⁰⁴ Gwempala Kyāla, alipo unkīkúlu uyu mbine fīyo. U kalumbu gwītu abīkīle umbili gwāke ukwīyīpa, kōpe nukusōsyāmo kansa ukufuma mu bāngi, ukwīma pakati, panongwa ya bāngi. Lōli Ugwe mponesya umwēne ikufuma ku ikyo, Ntwa, amasiku manini aga gakindilepo, akabalilo kāko ifindu ifyo fyamanyīgwe. Ndeke itolo umwēne asyāganie, mwēne, polelo, Ntwa, umwēne isakumanya ukuti ikyēne kikufumila kwa Ugwe. Une ngulāmbalika amaboko gāngu pa mwēne, nukusūma ikisa kuli unkīkulu uyūngi yula umwēne ikummwīmilila. Ngusuma i lipyāna lya Kyala, a Maka ga Mbepo Mwikemo. . . Bulipo ububibi bulibōsa mu ndumbula syītu, Ntwa, setulaga ikyēne kwa uswe, tāsi, polelo uswe tukubūkága, ukutēndékesya ikyēne. Polelo uswe tumenye ukuti uswe tuli nu bukundwe na Kyāla, uswe tuli nu lutēngano na Kyāla, uswe tukufyāga ifi uswe tukusūmīla, panongwa yakuti tutikwāgīgwa ububibi. Tupaga ikyene, Ntwa. Mu Ngamu ya Yeso une ngwiputa. Ameni.

Umma ndaga.

Kyo fiki kibagile ukusuka ubōnangi bwāngu?
Somma loli Ililopa lya Yeso;
Kyo fiki kibagile ukumbela une njege kanunu
kāngi?
Somma loli Ililopa lya Yeso.
O, lo lupala luki ulōneko
Ulu lukumbela une nje mwēlu bo matalala;
Ni nyībuko nayimo une njemenye
Somma loli Ililopa lya Yeso.

¹⁰⁵ Balinga bikwīpilīka ukuti imbībi syābo syōsa sili pāsi pa Lilopa? Unko uswe twīmbe ulwēne na maboko gītu mmwanya lilino.

K yo fiki kibagile ukusuka ubōnangi bwāngu?
Somma loli Ililopa lya Yeso;
Kyo fiki kibagile ukumbela une njege kanunu
kāngi?
Somma loli Ililopa lya Yeso.

Lilino bo uswe tukugwīsyā amaboko gītu, unko uswe tuponanie amaboko ukusyūngutila.

Lupala lo. . .

Uko ko kotalusya, mosa ukusyungutila.

. . . bwēlu bo matalala;
Ni nyībuko nayimo une njemenye
Somma loli Ililopa Iya Yeso.

Ugwe unganile Umwene? Ameni.

O, mumo une nunganiile Yeso,
O, mumo une nunganiile Yeso,

Lilino syāla ni kyēne, lilino. Aligwēsa umilisya kwa Kyāla.

Mumo une nunganiile Yeso,
Panongwa yakuti Umwene alinganile une.

Une ndisakuntāgāmo siku . . .



U LUBANGO LÖSA KYA59-0712
(A Total Deliverance)

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Ndungu kulubunju, Julai 12, 1959, ku Branham Tabernacle mu Jeffersonville, Indiana, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org